

Reglement for godtgjering til folkevalde

Reglementet gjeld folkevalde som har eit kommunalt tillitsverv. Med kommunalt tillitsverv meiner ein:

- verv som ein vert vald til av folket (kommunestyremedlemmer)
- verv som ein vert vald til eller oppnemnd til av kommunale organ

For partsamansette utval gjeld regulativet for dei tilsette sine representantar i

- administrasjonsutval
- arbeidsmiljøutval

Fast årleg godtgjering

Reglementet er basert på at folkevalde vert godtgjort for kvart enkelt verv vedkomande er valt til. Ei fast årleg godtgjering kjem i staden for møtegodtgjering, men formannskapsmedlemmene får likevel møtegodtgjering for kommunestyremøte. Den faste godtgjeringa vert utbetalt som 12 like månads-godtgjering over kommunekassen og gjev ikkje rett til feriepengar. All godtgjering til folkevalde er skattepliktig.

Ordførar

Godtgjering til ordførar i Masfjorden kommune vert sett til 90 % av den faste løna til stortingsrepresentantane. Godtgjeringa vert justert årleg pr 1.mai på grunnlag av justeringa som Stortinget sin lønskommisjon gjer.

Godtgjering omfattar:

- alle verv som ordførar har samt skyssgodtgjering til og frå heim og kontor på Masfjordnes
- rett til sjukepengar
- innmelding i pensjonsordning for folkevalde i KLP, jf kommunelova § 43

Ettergodtgjering

Ordførar får ettergodtgjering når valperioden er slutt slik:

- Dersom ordførar går tilbake til sitt tidlegare arbeid / tek til i ny stilling får han/ho ettergodtgjering i 1 ½ mnd.
- Dersom ordførar ikkje har arbeid å gå til får han / ho ettergodtgjering i 3 mnd.

Varaordførar

Godtgjering til varaordførar vert 6 % av ordførar si godtgjering. Ved ferieavvikling, sjukdom m.v. der varaordførar fungerer som ordførar i ein periode ut over ei veke, får varaordførar utbetalt ordførargodtgjering.

Den faste godtgjeringa omfattar:

- møtegodtgjersle for formannskap, kraftfondstyre, valstyret og administrasjonsutvalet

Formannskap

Godtgjering til medlemmene i formannskapet vert 4 % av ordførar si godtgjering.

Den faste godtgjerings omfatta:

- møtegodtgjerse for formannskap, kraftfondstyre, valstyre og administrasjonsutval

Møtegodtgjerings

Det vert berre utbetalt ei møtegodtgjerings der fleire møte er lagt etter kvarandre på same dag.

Det vert ikkje gjeve møtegodtgjerings for gruppemøte, fraksjonsmøte eller ander møte i partia. Det vert heller ikkje gjeve møtegodtgjerings for møte i underutval, komitear, arbeidsutval o.l. som held møte på mindre enn 1 time, direkte knytt til det utvalet som har oppnemnt underutvalet, komiteen eller arbeidsutvalet.

Varamedlemmer som vert innkalla til å møte på deler at eit møte, får 50 % møtegodtgjerings.

Møtegodtgjerings etter høg sats

Møtegodtgjerings er kr 700,- pr møte for desse utvala:

- kommunestyret
- formannskapet, kraftfondsstyret, valstyret (gjeld varamedlemmer)
- kontrollutvalet

Møtegodtgjerings etter låg sats

Møtegodtgjerings er kr 500,- pr møte for desse utvala:

- administrasjonsutvalet (gjeld tilsette sine representantar)
- arbeidsmiljøutvalet (gjeld tilsette sine representantar og verneombod)
- Teknisk Utval
- Eldrerådet
- Råd for menneske med nedsett funksjonsevne

I tillegg vil utval som røystestyra, valnemnda og medlemmer oppnemnd av kommunestyret i samarbeidsutval for skular og barnehagar ha rett på møtegodtgjerings etter låg sats.

Møtegodtgjerings for leiarar i utval oppnemnd av kommunestyre

Godtgjerings til leiarar (eller vara for leiar) i utval oppnemnd av kommunestyret er dobbel møtegodtgjerings (jf punkta om møtegjerings etter høg og låg sats) for følgjande utval:

- leiar i Kontrollutvalet
- leiar i Teknisk Utval
- leiar i Eldrerådet
- leiar i Råd for menneske med nedsett funksjonsevne
- leiar i Arbeidsmiljøutvalet (når det er ein av representantane for arbeidstakarorganisasjonane som er valt til leiar)
- leiar i Valnemnda
- leiar i Røystestyra

Tapt arbeidsforteneste

Dersom den folkevalde si deltaking i kommunale møter fører til tap i arbeidsinntekt, vert det utbetalt erstatning frå kommunen. Det vert skild mellom legitimert og ulegitimert tapt arbeidsforteneste dersom den folkevalde ser fram kravet sjølv. Folkevalde kan og få dekkta tapt arbeidsinntekt gjennom at arbeidsgjevar krev refusjon direkte til kommunen.

Det skal ikkje setjast fram slikt krav dersom den folkevalde ikkje vert trekt i løn eller har reelt tap av arbeidsinntekt / vikarutgifter.

Legitimerte tapt arbeidsforteneste

Legitimert tapt arbeidsforteneste vert erstatta med inntil kr 2 500,- pr dag. Det er ein føresetnad at den tapte arbeidsfortenesta er tilfredstillande dokumentert som f.eks:

- trekkattest frå arbeidsgivar (gjeld lønsmottakar)
- likningsattest eller attest frå rekneskapsfører (gjeld sjølvstendig næringsdrivande).
Inntektstapet vert utrekna etter netto årsinntekt (netto næringsinntekt) dividert på 240 dagar

Ulegitimert tapt arbeidsforteneste

Ulegitimert tapt arbeidsforteneste vert erstatta med inntil kr 1 000,- pr dag. For møte som byrjar etter kl 14 vert det berre utbetalt halv ulegitimert tapt arbeidsforteneste. For møte som byrjar etter kl 16 vert det ikkje utbetalt ulegitimert tapt arbeidsforteneste.

Reise

Folkevalde har krav på godtgjersle i samsvar med kommunen sitt reiseregulativ.

Barnepass

Det vert gjeve refusjon for nødvendige utgifter til barnepass.